

Delegat Nermina Kapetanović postavila je sljedeća pitanja Vijeću ministara BiH:

„1. Šta je konkretno uradio Ured za veterinarstvo BiH prema Mapi puta za uspostavljanje funkcionalnog sistema za označavanje životinja u BiH u skladu s EU standardima, kao nosilac aktivnosti na:

- izmjeni kaznenih odredbi Zakona o veterinarstvu BiH,
- izradi novog softvera za označavanje i registraciju kretanja životinja,
- na provođenju informativne kampanje i
- jačanju kapaciteta u Agenciji za označavanje životinja u BiH zapošljavanjem potrebnog stručnog kadra u Agenciji.

Krajnji rok za tačke 1. do 3. bio je 1.4.2011. a za tačku 4. bio je 31.12.2010.

2. Zašto Agencija za zaštitu ličnih podataka BiH nije izricala sankcije za kontinuirano kršenje Zakona o zaštiti ličnih podataka od poslodavaca koji od lica koja učestvuju u konkursnim procedurama traže da, uz prijavu za posao, dostave uvjerenje o nekažnjavanju?
3. Postoji li mogućnost utvrđivanja više od dva granična prijelaza s Republikom Hrvatskom prije njenog ulaska u EU?
4. Zašto se veliki broj lica kojima je izrečena sudska presuda izdržavanja kazne zatvora slobodno kreće ulicama BiH, s obzirom da to utiče na povećanje izvršenja krivičnih djela?